

CLIV.

Traité de paix entre Gaston comte de Foix, Jean comte d'Armagnac, & leurs fils Jean & Gaston.

1378
&
1379 } An.

Arch. des comtés de Rodez, papiers non inventoriés, liasses X. 30 & Q. 30.

En nom d'eu Pay & d'eu Filh & d'eu S. Esprit, amen. Coneguda & manifesta causa sia à tot que personnelment constituts los tres puissans & molt nobles senhors, monsenhor Johan per la gracia de Diu, comte d'Armagnac, de Fezensac, &c. & Johan d'Armagnac son filh leiau & naturau, comte de Comenge, per lor subjets, aliats & valedors d'autre part, fen & accorden entre lor, bone, loyau, perpetuale & amorosa pats, en ainsi cum premierament era estat acordat entre losdits monsenhor lo comte de Foix & Gaston son filh d'une part & mossen Jehan senhor de Manhaut en nom & per nom, & comme procuradors specials de mossenhor d'Armagnac, laquau tenor sensec en aquesta maniera.

Accord fait entre los nobles mossen Johan senhor de Manhaut cavalier, monssen Sants de Serisoo prior de Madiran, & Maurin de Biran senhor de Roquefort, en nom & per nom, & cum à procurays specials, aven plenier de très noble & puissant mossenhor Johan per la g[r]acia de Diu conte d'Armagnac, &c. & à far ratificar à Johan d'Armagnac comte de Comenge son filh & al tutor de la très noble Margaride comtesse de Comenge sa molher, & à tots autres, &c. d'une part ; & lo très noble & puissant senhor mossen Gaston per la medixe gracia comte de Foix, &c. & à Gaston son filh, lo dit Gaston ab licence & autoritat d'eu dit mossenhor de Foix son pay, d'autre part en la maniere que sensec. Premierement que bona pax amoureuse & perpetual per los dessusdits, & per tot lors successors sie enter lor, lors homes, valedors, &c. Item, que per tal que aquesta pax sie durable perpetualment, es acordat que matrimoni sie fait entre Beatrix filhe d'eudit mossenhor d'Armagnac d'une part, & lo dessusdit Gaston filh d'eudit mossenhor de Foix d'autre. Item, de xxx M. frans qu'en son promés per dot ; lodit mossenhor de Foix los ne laxa dets mille frans per nom de agensament, &c. Item, la tor Cofolenc sere baillade audit mossenhor de Foix, & los autres lox s'en thien en Albigeois, & quitar audit mossenhor de Foix per si & tous drets, que en ladite terre d'Albigeois

poudisse aber. Item, que lodit mossenhor foix aix & tengue lo loc & castelanie de S. Julien am sas pertenesces, axi cum antiquament se sole tenir à tote sa vita, & après sa vita, que torne au comte de Comenge. Item, que monseignor Johan lo prior de Lantar, lo seignor de Noé, lo seignor de la Serre, lo seignor de Berat, lo seignor de Gozencxs, Guiraudot de Mauleon, mossenhor Corbi d'Espagne, Arnaut Guillem* de Mauleon, P. de Toyhes, Sants Gassie d'Aure, & autres qui ara son de la hobedience d'eudit mossenhor de Foix, so acordat per los senhors dessusdits, en nom que dessus, que duran la vita d'eudit mossenhor de Foix, lodit comte de Comenge no los posque compellir de esté de sa part, ni sos homes, abants ac sien d'eudit mossenhor de Foix, &c. Item, la begorie de Maubessin & de Godor demoren ab mossenhor de Foix à perpetualitat, per si & per sos. Item, per miey los causes dessus & dejus dites, lodit mossenhor de Foix & Gaston son filh, de sa licentia, quitteran & remettran tous los dreits que poden demanar en lo comtat de Comenge, en quenhe maniere & condition que sos, entro au jorn de oey. Item, so acordat, que tous dampnatges dats de une part & d'autre & totes pats passades & totes penes encorrudes sien toutes remeses, &c. Item, en oltre, lodit mossenhor de Foix & Gaston son filh, de sa autoritat & licentia, prometen & juren, en la maniere que los autres causes dessus & dejus scriutes, que els remetin totas demandes que far poiren en nulle maniere, per madonne de Comenge, mai de la molher de monseignor de Comenge, & que per pleit ni per guerre, ni en nulle autre maniere no la adjudaran en nulle maniere, &c. Item que los prisoniers finen & sien delieures aixi cum ja es estat acordat ab lor medix. Item aquestas causas sien ordenades ben & solemnamens am sacramens & penes, ta fortaments cum far se poira. Item, que aquestas causas fermades & jurades, cum dessus, lodit monseignor de Foix trametra au comte d'Armagnac lo tert des juiaux... Item, tots los communes, gentis-homes, & officiers deusdits senhors comtes, requerits

*Al. Bernard

l'un à l'autre, dens très septmanes après la requesta, sien tieneuts de jurar ladite pats, & sien cessades totas marques, &c. Item que losdits mossenhor d'Armagnac, & mosseignor de Foix, per acomplir aquestas causes, sien la vespre da Rams, so es assaber lodit mossenhor d'Armagnac à Barssalona, & lodit mossenhor de Foix à Ayre, & qu'en mieu ensemps am lor tots los prisoniers d'une part & d'autre, si aver los hi poden à lor leyau poder, & que mossenhor d'Armagnac prometté à mossenhor de Foix delivrar & far vier los prisoniers deudit mossenhor de Foix, si arrés los fasse destors en lor cami, per la medixe maniere que ferma lo senhor de Manhaut ; & lodit mossenhor de Foix per la medixe maniere fermi audit mossenhor d'Armagnac per los sos prisoniers. Las causes dessusdites foren acordades en la chapelle deu casteg d Ortez, lo x x. jorn d'eu mes de Mars l'an de nostre Senhor MCCCLXXVIII & jurades sus lo sacrat cors de Dieu, per losdits mossenhor de Foix & Gaston son filh, de sa auctoritat & licence de una part, & per los procurays dessus nommats, &c. Et de so son faits dus cartels de une tenor, &c.

Losquaus rolles dessusdits legits & publicats, per so car lodit acord & lo sacramens sus aquero faits, eren estats accordats & faits per losdits comtes absens l'un de l'autre, aras de présent ente Rams, losdits senhors comtes estan ensemps & fesen l'un costa l'autre, volens aquero meter a acabament, autrejan, aboan & ratifican, & fen novelament de present ladite pats, & totas & singles las causes & artigles de mot à mot, aixi cum en losdits rolles & en lo present instrument son contengudas, &c. Item, losdits mossenhor de Foix & Gaston son filh, de sa licentia, remeton & quitten tos los drets & actios que aven ni aver poden, entro aquest present jorn duey, en la comtat de Comenge & terre de Serrera à la dita Margarida comtesse de Comenge, & à mossenhor Beguer son tutor à qui present, &c. Et juran de lors propos mas dextras sus lo sant cors de Diu sagrat, en las mas deu R. pay en Diu mossenhor Beguer, per la gracia de Diu evesque de Laytora que assi se tieran, & observeran & accompliran totos & sengles las causes en losdits rolles & present instrument contengudas, &c. que encontre no faran ni vieran, en tot ni en partida, en deguna maniere ; & en cas que en res faillissen, volen aver renegat Diu, loquau los fossa contra, & à dampnacion de lors cors de lors ammes, preneon lo diable per senhor, & eslegin los soboltures en enfer, are per labets, & labets per are & per la medixa maniere, ac autrejan & juran los nobles Joan filh deudit mossenhor d'Armagnac comte de Comenge, & Gaston filh deudit mossenhor de Foix, de auctoritat & licentia, deudits senhors lors pays ; & assi medis ac

autreja & jura lodit mossenhor Beguer de Galard, cume tutor que dis esser de ladita Margarida comtesse de Comenge, molher deudit Johan d'Armagnac, &c. Et à qui medix faits losdits sacraments, losdits senhors comtes, en senhau de ladita pats, per lor & per lors tenidore & observadore per tos temps comugan la hostie sagrade à lor partida per miey, per lodit mossenhor l'evesque de Laytora, & baisan l'un l'autre de lors boques, & aissi medix Johan d'Armagnac & Gaston de Foix comugan la hostie sagrade partida per miey cum dessus, &c. Et renuncian losdits comte de Comenge & Gaston, de licence que dessus, majors de XIV ans & mendrés de XXV. assi come à qui fo dit & apare per l'esgardament de lors personnes à tota restitution *in integrum*, &c. Aisso fo feyt lo jorn d'Aramps, que fo lo ters jour deu mes d'Abriu, l'an de Incarnation de nostre Senhor MCCCLXXIX en las plasses patens que son enter Ayra & Barssalonne, en una lotga on misse fo cantade, laquau fo feita per aque fer ladite pax, regnan mossenhor Karle per la gracia de Diu rey de France, & losdits senhors comtes en lors comtas, vescomtats, terres & senhorejaus, & mossenhor Philip patriarcha de Iherusalem perpetual administrador de la glieya d'Auxs, estan en presencia & testimoni deu R. payre en Christ, mossen Beguer abesque de Laytora, & dels nobles & puchans senhors mossen Johan de la Barre senhor d Aura, mossen Ayssi de Montesquiut senhor de Bazian, mossen Od de Montaud senhor de Gremont, mossen Johan senhor de Manhaut, mossen Manaut de Barbasan, Bernard d'Arribere senechal d'Armagnac, mossen Manhaut d'Armagnac cavalier, Arnau d'Arbin, seneschal de Lomanhe, mossen Guilhem de Cuitat judge de Lomanhe, mossen de Serisao prior de Madiran, & Maurin de Biran senhor de Roquefort, de la part & hobedience deudit mossenhor d'Armagnac. Et deu R.P. en Christ mossenhor Guillem evesque d'Oloron & deus nobles & puissans senhors mossen Arnaud Guillem de Bearn senhor de Morlane, mossenhor P. de Bearn, mossenhor P. Arnaud de Bearn, mossen Ramon senhor d Andonhs, mossen P. de Gavastos, mossen P. de Navals, mossen Bernat d'Aydia, mossen Gassi Arnaud senhor d'Assaranh, cavaliers, mossen Bertrand de Busi licentiat en decrets jutge de Bearn, de la part & hobedience deudit mossenhor de Foix, testimonis aperats & pregats a las causes dessusdites que juren aqui medis sus lo beray cors de J.C. de tenir & observar ladita pats ; & de mi Pey de Mayres notari reyau, &c.